



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 94. Josua Comes a Protestantibus Urbis ingressu prohibitus.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

bant, sese illis opponunt: mox vero tumultus, ac rixæ suscitantur, ac tandem die decima nona Maji manus conferuntur, ubi seditione sequentibus diebus aucta plures vulnerantur, atque occiduntur, præprimis enim Protestantes facti in Brussii ædes impetu, illas diripiunt, injectoque igne comburunt, ipsum vero Brussium die decima quinta Junii crudeliter trucidant, aliosque plures graviter sauciant, ac nondum satiato furore Carmelitarum Conventum, interfectis aliquibus Religiosis deprædantur, nec minus postea Augustinianorum cœnobium aggrediuntur, ibidemque sacras imagines evertunt, simulque in Ecclesiam sancti Francisci, urbisque nosocomium sacrilegas manus injiciunt: decima sexta autem ejusdem Mensis die Dominicanorum Ecclesiam invadunt, eamque pariter exspoliant.

Sæcul. XVI.
A.C. 1566.

§. XCIV.

Joufa Comes a Protestantibus Urbis ingressu prohibitus.

Postmodum Joufa Comes Regius Provinciæ Prætor Joannem Nogaretum Valetam Apamæas ablegabat, qui seditionem extincturus Protestantibus sequentes proponebat conditiones. I. Captivi Apamæis, & Fuxii utrinque liberentur. II. Externi milites utrobique

Mm 2 que

Sæcul. XVI.
A.C. 1566.

que introducti dimittantur. III. Arma privatis adempta in ædes publicas deponantur. IV. Cetera Regis, a quo propediem mandata expectabantur, voluntati permittantur. His quidem legibus obtemperabant Protestantes: at cum interea Jousa Comes adventans cum tribus peditum signis hospitium in urbe sibi parari peteret, Protestantes hostilem vim sibi inferri caussantes Comitem recipere detrectarunt: cum ergo hic misso ad Regem nuntio de hac injuria quereretur, mox incolæ pariter ad Regis aulam suos ablegarunt, ut funestos hujus repulsæ successus præpedirent, quinimo Calvinistæ quoque suos decreverunt, qui ipsorum temeritatem excusarent.

Attamen Rex quantocius eo mittebat Jacobum Angeneum Rambulietum, quem mox Rabbatus, & Caumontius Vicecomites Calvinistis addicti conveniant, eorumque opera induciæ fuerunt sancitæ: hinc die vigesima tertia Aprilis omnes præsidarii milites numero sexcenti sclopetarii urbe dimittuntur, ac unacum illis latrociniorum conscii pariter urbe excedunt. Altera die Angeneus cum militari, quam ducebat, manu, explicatisque signis, & pulsatis tympanis urbem ingreditur, sine oppidanorum injuria: inde autem digres-

digressus Fuxium proficiscitur: mox ve-
 ro ipse etiam Jousa cum suis equitibus
 honorifice, & obsequiose specietenus
 exceptus Apamæas venit, quem post-
 ea Joannes Darius Senatus Tolosani
 præses cum sex consiliariis delega-
 tis, qui de causa cognoscerent, se-
 cuti sunt.

Sæcul. XVI.
 A.C. 1566.

§. XCV.

*Reorum nonnulli ob contumaciam
 damnati.*

Postmodum auditis testibus, & rebus
 pro tempore constitutis, factaque
 spe, ex æquo jus utrique parti dictum
 iri, Præses cum suis consiliariis disces-
 sit: nihilominus Mense Septembri octo-
 decim seditiosi capti sub custodia Tolo-
 sam ducebantur, qui tamen ferme om-
 nes carcere elapsi sunt: insuper Calvi-
 nistæ eoquod vel Senatum Tolosanum sibi
 suspectum haberent, sive innocentia
 suæ haud satis fiderent, propositis a-
 pud Regem suspicionum causis impe-
 traverunt, ut cognitio ad alios iudices
 remitteretur, & de causa Senatus Pa-
 risiensis cognosceret. Quinimo Rex
 hac super re jamjam literas expedire
 jusserat, verum mox Guisii Cardinalis
 sollicitatione decretum regium super
 ea re factum revocatur, & cognitio
 rursus Senatui Tolosano committitur,

Thuan. l. c.

Mm 3

ubi